



150 Joer Reenert: De Reenert am neie Frack!

Eng Nei-Editioun, en neie Band vum Wuertschatz an eng Editioun op Englesch

De Minister fir Educatioun, Kanner a Jugend, Claude Meisch, huet de 26. Oktober eng Panoplie vun Neiegkeete ronderëm de Reenert presentéiert. Am Kontext vum 150. Anniversaire vun dësem bekannte Lëtzebuurger Wierk komme verschidden nei Publikatiounen eraus an do ronderëm ginn eng Rei Evenementer organiséiert.

De Claude Meisch huet dobäi nach emol d'Wichtigkeet vun dësem Wierk fir Lëtzebuerg ënnerstrach: *„Et gëtt net vill lëtzebuergesch literaresch Figuren, déi esou present an der Gesellschaft si wéi de Reenert. Dem Michel Rodange seng spatz Fieder, déi geschlaffe Sprooch an déi gewiift Aart a Weis, fir duerch d'Déierewelt e kritesche Bléck op d'Gesellschaft ze geheien, sinn net nëmmen e Stéck Lëtzebuurger Patrimoine, mee och e literaresche Genoss.“*

Nei-Editioun vum REENERT – De Fuuss am Frack an a Maansgréisst

De Service de Coordination de la Recherche et de l'Innovation pédagogiques et technologiques (SCRIPT) an den Zenter fir d'Lëtzebuurger Sprooch (ZLS) hunn zesummen eng nei Ausgab vum Reenert editéiert. Nieft dem ursprénglechen Text vun 1872, an déi haiteg Orthografie gesat, fënnt een am Buch eng Biografie vum Auteur an och Essaien, déi de literareschen an den historieschen Hannergrond belichten.

Doriwwer eraus ginn am Buch al Wieder, déi net méi jiddweringem geleeft sinn, erkläert. Et sinn am Ganzen eng 900 Begrëffer, déi direkt nieft de Versen ze fanne sinn.

Déi jonk Lëtzebuurger Kënschtlerin Mia Kinsch huet eng Rëtsch Illustratiounen realiséiert, déi dem Wierk e frësch Opdrëtt erméiglechen a gläichzäiteg der Zäitlosegkeet vum Klassiker gerecht ginn.

Band 4 vum Lëtzebuurger Wuertschatz: Zwackert, berdank! – 89 fuisseg Wieder aus dem Reenert

Aus der Hellewull vu Wuerterklärungen am Reenert huet den Zenter fir d'Lëtzebuurger Sprooch e gudden Grappvoll erausgesicht an am véierte Band vun der Serie „Lëtzebuurger Wuertschatz“ an Zeen gesat: einfach erkläert a flott illustréiert.

D'Serie „Lëtzebuenger Wuertschatz“ gëtt zesumme vum ZLS a vum SCRIPT editéiert. Bis elo si véier Bänn erauskomm.

De Reenert elo och op Englesch

Mat der englescher Iwwersetzung gëtt de Reenert elo och disponibel fir déi engleschsproocheg Communautéit am Land a gläichzäiteg och fir d'Fuerschung op der ganzer Welt. De Reenert op Englesch ka gratis online als PDF-Dokument erofgeluede ginn, dëst op www.heydoo.lu.

E Colloque ronderëm de „Reenert“ an eng Liesung am Kader vun de Walfer Bicherdeeg

De Reenert steet och am Mëttelpunkt vum Colloque e Freideg, den 18. November vu 14:00 bis 18:00 Auer um Site vum eduPôle zu Walfer a gëtt organiséiert vum SCRIPT a vum ZLS, an Zesummenaarbecht mam Commissaire fir d'Lëtzebuenger Sprooch, am Kader vun de Walfer Bicherdeeg.

Do kommen eng Partie Experten zu Wuert, déi zum Beispill op d'Biografie vum Michel Rodange, den historeschen Hannergrond vum Reenert, de Reenert am Zweete Weltkrich, de Vocabulaire, déi englesch Iwwersetzung an d'Illustratioun vun der neier Editioun aginn. De Colloque ass op Lëtzebuergesch a gëtt live iwwerdroen op RTL.lu. D'Participatioun ass gratis, eng Umeldung ass erwënscht iwwer Mail op lux@men.lu.

Op de Walfer Bicherdeeg liesen de Jeff Thill an de Marc Limpach verschidde Passagen aus dem *Reenert* – allkéiers dee selwechten Extrait eemol op Lëtzebuergesch an eemol op Englesch. Déi Liesung ass sonndes, den 20. November ëm 11:45 Auer.

Op de Walfer Bicherdeeg ass den Educationnsministère duerch de SCRIPT an den ZLS vertraueden, déi op hirem gemeinsame Stand de Reenert an de Mëttelpunkt stellen.

Referenzen:

<i>Titel:</i> Reenert – De Fuuss am Frack an a Maansgréisst <i>Editeuren:</i> Script an ZLS <i>ISBN:</i> 978-99959-1-462-2 416 Säiten, 39 Euro
<i>Titel:</i> Zwackert, berdank! – 89 fuusseg Wierder aus dem Reenert <i>Serie:</i> Lëtzebuenger Wuertschatz, Band 4 <i>Editeuren:</i> ZLS a SCRIPT <i>ISBN:</i> 978-2-9199644-4-4 96 Säiten, 10 Euro
<i>Titel:</i> Reenert – The Fox in a Sunday suit and in human shape (bilingual edition) <i>Eroflueden op:</i> https://www.heydoo.lu/reenert-biluangal-edition

Programm vum Reenert-Colloque (18.11.2022):

14:00 Auer:

Begréissung duerch den Educationnsminister Claude Meisch an de Buergermeeschter vu Walfer François Sauber

14:10 Auer:

Aféierung: De Romain Kohn, Coordinateur vum *Reenert*-Projet, situéiert de *Reenert* an der Lëtzebuenger Literaturgeschichte

14:30 Auer:

Biografie vum Michel Rodange – Jean-Luc Schleich, Éierebuergermeeschter vun der Gemeng Waldbëlleg, der Heemechtsgemeng vum Michel Rodange

15:05 Auer:

Den historesche Background vum *Reenert* – Mohamed Hamdi, Historiker

15:40 Auer:

D'Illustratiounen am neie *Reenert* – Mia Kinsch, Graphic Designer

16:15 Auer:

De Vocabulaire am *Reenert* – Sam Mersch, Sproochhistoriker am ZLS

16:50 Auer:

De *Reenert* am Zweete Weltkrich, bei Léon Moulin a Francis Steffen – Siggy Helbach, Luxemburgist

17:25 Auer:

D'Iwwersetzung vum *Reenert* op Englesch – Jeff Thill, Auteur vun der Iwwersetzung

18:00 Auer: Ofschloss a Patt

Adress:

eduPôle, 28, Route de Diekirch

Gebai VIII (hannert dem lénke Fligel vum Schlass, wann ee vu vir drop kuckt)

Sall Nummer B08-E00-005